

Daxgoeng cingq yaek yamq haeuj doudiemq seiz, de sawqmw h dingz din roengzdaeuj: Aen diemq neix cang ndaej gig gyaunde i, ndawranz youh gvangqlangh youh ronghsag; gij daengq congz ndawde ndongqrikrik, ciuq raen vunz bae; ndawde gyoengqvunz daeuj gwn doxgaiq, bouboux daenj ndei daenj luemj.

Daxgoeng yawjyawj gij buhvaq sw hgeij, cienqndang gvaqdaeuj doiq daxbuz naeuz: “Yahgeq, raeuz bae gizwnq gwn ba!”

“Gaenq byaij daengz gizneix lo, couh youq neix gwn ba.” Daxbuz naeuz.

Daxgoeng mbouj ndaej mbouj yamq haeujbae. Gyoengq youq ndawdiemq gwn doxgaiq, bouboux cim coh daxgoeng, yawj daxgoeng lumj yawj duzgvaiq nei, ronghda lingh-yiengh raixcaix. Daxgoeng mbouj leix mbouj langh gijneix, cigsoh byaij daengz gvihdaiz, cawx ndaej aen binghgizlinz cienq ndang couh byaij-deuz lo. Lumjbaenz de youq ndaw caiq nanz di, aendiemq gyaunde i neix couh uq nei.

Daxgoeng ndenq binghgizlinz hawj daxbuz, couh youq henz ndang de naengh roengzdaeuj. Daxbuz linx riz binghgizlinz, riz mbat ndeu, baenq mbat ndeu, gwn ndaej feihsubsub. Daxbuz dawz binghgizlinz ndenq daengz henz bak daxgoeng geij baez, heuh de riz, daxgoeng ngauzngauz gyaueuj naeuz mbouj gwn, cijdwg haeujsim riunyumj dwk yawj daxbuz gwn.

“Daxgoeng daxbuz, sou baenz-

Miz Mwngz Miz Gou

有你有我

□ Lioz Siuyangb / 凌秀香

lawz mbouj haeuj ndaw diemq bae naengh ha?” Boux mehmbwk cung-nienz ndeu ndwn youq baihlaeng song laux cam, de dwg boux baet ranz uet congz ndaw diemq.

Daxgoeng ngeuxgyaeuj dauq yawj de naeuz: “Dou youq neix naengh couh baenz lo.”

Daxgoeng baez yawjraen gaiq dohbaj gyangfwngz mehmbwk cung-nienz haenx, vuengmuengz ndwn hwnj, naeuz: “Dou dwg mbouj dwg dangj mwngz guh hong lo?”

Mehmbwk cungnienz naeuz: “Mbouj dwg mbouj dwg. Ndaw diemq miz gunghdiuz, liengz di, sou haeuj-bae naengh ba!”

“Mbouj lo, youq neix naengh couh ndaej ne.” Daxgoeng miz di mbouj ndei eiqsei q naeuz.

Daxbuz hix riengz coenzgangj daxgoeng naeuz mbouj haeujbae, doeklaeng laebdaeb riz binghgizlinz gyangfwngz, daxgoeng lij dwg haeuj-sim yawj daxbuz gwn.

“Daxgoeng, mwngz vihmaz mbouj gwn binghgizlinz ha?” Mehmbwk cungnienz cam.

“Goenggeq sij mbouj ndaej gwn.” Daxbuz bak raeuzred dwk naeuz.

“Mbouj dwg baenzneix gangj. Cungj doxgaiq neix gyoet lai, heuj gou nyaenx mbouj ndaej.” Daxgoeng gejnaeuz.

Hoeng mehmbwk cungnienz mingzmingz yawjraen hozgyawh dax-goeng nod hwnj nod roengz. De byaij haeuj ndaw diemq bae.

“Binghgizlinz hix dimz mbouj ndaej aen bak mwngz!” Daxgoeng gvaiq daxbuz bak lai.

Daxbuz cix riuhehe naeuz: “Mbouj dwg a? Mwngz couhdwg sij mbouj ndaej gwn!”

Yaep ndeu, mehmbwk cungnienz haenx daeuj daengz dangqnaj dax-goeng naeuz: “Daxgoeng, cawjdiemq raen gou guh hong lae hanh lai, soengq hawj gou aen binghgizlinz ndeu. Gou gaenq gwn ywdwgliengz, 30 faen cung ndawde mbouj ndaej gwn gij doxgaiq gyoet, mwngz bang gou gwn ba, mboujnex de yungz le hojsik ha.”

Daxgoeng mbouj ndei eiqsei q muengz naeuz mbouj aeu, hoeng mehmbwk cungnienz nyengh hawj de. Daxbuz hix naeuz: “Yungz le saedcaih hojsik, gij doxgaiq gwn mbouj ndaej sai bw.” Mbatneix daxgoeng mbouj caiq euq lo, docih

mehmbwk cungnienz geij baez, de cij cie p aeu aen binghgizlinz.

Daxgoeng gwn bingzgizlinz mbouj lumj daxbuz yiengh haenx riz aeu, de baenz amq baenz amq haeb gwn, lien z gij mumh gwnz bak hix nem binghgizlinz, daxbuz raen le nyaenx mbouj ndaej riu hwnjdaeuj, seizneix daxgoeng cij roxnyinh gij yiengh gwn sw hgeij diuqgah lai, de hix riuhehe gaij najmong.

Mbouj rox seizlawz, mehmbwk cungnienz laeglemx byaij deuz……

Gwn sat binghgizlinz le, songde mwngz bang gou uet mbat bak ndeu, gou bang mwngz uet bak mbat he, doengzcae z ndwn hwnj, daxgoeng fwngz ndeu gaem fwngz daxbuz, fwngz ndeu rag ci, laebdaeb hwnj roen lo.

Byaij gvaq aen vangoz ndeu, cien z daeuj raq sing ciengqgo he, laxlawz miz boux ga’ gvez ndeu youq henz gai ciengqgo. De ciengq ndaej haemq ndei, hoeng gij vunz baebae dauqdauc, lumj yawj mbouj raen de nei, gak boux gag nyaengq byaij-fwngfwng. Dangqnaj boux ga’ gvez miz aen siengceij ndeu, ndawde cij miz geij maenz ngaenz.

Daxgoeng daeuj daengz dangqnaj boux ga’ gvez ciengqgo, mbon ok 5 maenz ngaenz cuengq roengz ndaw sieng bae.

Byaij ndaej geij yamq le, daxbuz naeuz: “Aen binghgizlinz 3 maenz ngaenz, mwngz sij mbouj ndaej gwn, seizneix mwngz youh daihfueng baenzneix bae?”

Daxgoeng cijdwg riunyumj mbouj gangjvah…… (sat)

Sij Hawj Gyoengq Bouxcoz Ciemhciemh Bienq Geqgoemq

写给那些逐渐老去的年轻人

□ Dabdingz

Mwhhaenx, gwnzmbwn gig lamz, nditndat raeujrub, gocoengz hungloet, dangznaed vannupnup.

Mwhhaenx, raeuz gyaez boeb ruzceij caeuc feihgihceij ndaej saedyienh maqmuengh haenx.

Lauxsae ban gekleiz son yinhyoz gyaunde i youh nienzoiq, banhcujyin dou hozunq youh sienhsoh.

Gij cingzngaih mwhhaenx yungz haeuj gij feih homfwtfwt haetromh, hoeng, siengjmuengh caeuc cingz-gyaenz lij ninz youq ndaw fangzhwnz mboujcaengz dauqndiu.

Doeklaeng, mwngz miz le gij mumh nyezheiq, gij byoemndaem de hix lumj gomez nei seizbienh sengmaj.

Gij yienghsienq mwngz hix miz le gij ginqmaenh nyezrau h, lwgda de hix bienq ndaej lumj rinnyawh nei gyaunde i.

Mwhhaenx, raeuz ndiepmaj fangzhwnzloq cix mbouj maj gangj-

vah, angqriu dwk siengsim, yiengh-haenx cinghseuq caeuc gadog.

Mwhhaenx, cienzbouh cungj dwg rongh caeuc ngauez youq laj gingq-daeuz huzsw nh, gyaunde i caemhcai q miz maqmuengh.

Hoeng, saedceij byom lai, geh lwgfwngz gvangq lai, baez yaep da raeuz couh majhung lo.


Daengz doeklaeng, raeuz gyavaiq yamqdin, aenvih diuz roen lij raezrangrang, raeuz aeu dwgrengz baenaj.

Yienznaeuz itloh gingjsaek gyaunde i, cix lumz daengx roengz-daeuj bae yawjyawj, bae ngonzn gonz.

Gij doxgaiq mingzcoh heuhguh yienhsaed muz bae le gij limq raeuz, vuenh le yienghceij.

Raeuz mbouj haengjheiq, hoeng cix engq maj riu lo.

Gangj dwk “ngoenzcog caiq raen”, cix gipgip muengzmuengz cienqndang riu j hwnj gij hingzlij



Aen giuzndojfwn aeu suijniz caeuc gangdiet guh.

Danz Gajh'ingh ingj

bonjfaenh liz bae.

Gatsat,

Ngoenz doek ngoenz, bi dem bi,

Saedceij lumj hujbwz, fung’ yo raeuz hwnjdaeuj.

Lij miz byawz dauqma gvaq lwi?

Yawjyawj aen gyausz youq ndaw laepmomj, yawjyawj aen dan ring-gangq gok haw haenx.

Gij sietdiuz deng daengngoengz gwn bae haenx, gij ndaengndiengq yo haeuj ndaw siengsaenq saek loeg bae haenx, lij miz gij riunyumj raeuz yuengq hwnj byaidin haenx.

Gij duengq gyaunde i raeuz, lij geiq ndaej lwi?

Danghnaeuz lij geiq ndaej, saenq de, caiq lumz bae ba.